

歷代大儒詩鈔卷二十五

滇西趙州後學谷際岐西阿甫彙鈔

受業諸子 男 瞻 全校

張子

欽定宋史道學列傳

張栻字敬夫丞相浚子也穎悟夙成浚愛之自幼學所
 教莫非仁義忠孝之實長師胡宏宏一見卽以孔門論
 仁親切之旨告之栻退而思若有得焉宏稱之曰聖門
 有人矣栻益自奮厲以古聖賢自期作希顏錄以廕補
 歷代大儒詩鈔卷二十五
 張子南軒 一 采蘭堂
 官辟宣撫司都督府書寫機宜文字除直祕閣時孝宗
 新卽位浚起謫籍開府治戎參佐皆極一時之選栻時
 以少年內贊密謀外參庶務其所綜畫幕府諸人皆自
 以爲不及也間以軍事入奏因進言曰陛下上念宗社
 之讐恥下憫中原之塗炭惕然於中而思有以振之臣
 謂此心之發卽天理之所存也願益加省察而稽古親
 賢以自輔無使其或少息則今日之功可以必成而因
 循之弊可革矣孝宗異其言於是遂定君臣之契浚去
 位湯思退用事遂罷兵講和金人乘閒縱兵八淮甸中

外大震廟堂猶主和議至敕諸將無得輒稱兵時浚已
沒棊營堊甫畢卽拜疏言吾與金人有不共戴天之讐
異時朝廷雖嘗興縞素之師然旋遣玉帛之使是以講
和之念未忘於胸中而至忱惻怛之心無以感格於天
人之際此所以事屢敗而功不成也今雖重爲羣邪所
誤以感國而召寇然亦安知非天欲以是開聖心哉誠
宜深察此理使吾胸中了然無纖介之惑然後明詔中
外公行賞罰以快軍民之憤則人心悅士氣充而敵不
難卻矣繼今以往益堅此志誓不言和專務自強雖折

歷代大儒詩鈔

卷五

張子商軒

二

采蘭堂

不撓使此心純一貫徹上下則遲以歲月亦何功之不
濟哉疏八不報久之劉珙薦於上除知撫州未上改嚴
州時宰相虞允文以恢復自任然所以求者類非其道
意棊素論當與己合數遣人致殷勤棊不答八奏首言
先王所以建事立功無不如志者以其胸中之誠有以
感格天人之心而與之無間也今規畫雖勞而事功不
立陛下誠深察之日用之間念慮云爲之際亦有私意
之發以害吾之誠者乎有則克而去之使吾中扃洞然
無所間雜則見義必精守義必固而天人之應將不待

求而得矣。夫欲復中原之地，先有以得中原之心。欲得中原之心，先有以得吾民之心。求所以得吾民之心者，豈有他哉？不盡其力，不傷其財而已矣。今日之事，固當以明大義正人心爲本。然其所施有先後，則其緩急不可以不詳。所務有名實，則其取舍不可以不審。此又明主所宜深察也。明年召爲吏部侍郎，兼權起居郎侍立官。時宰方謂敵勢衰弱，可圖。建議遣泛使往責陵寢之故。士大夫有憂其無備而召兵者，輒斥去之。杖見上，上曰：卿知敵國事乎？杖對曰：不知也。上曰：金國饑饉連年，盜賊四起。杖曰：金人之事，臣雖不知，境中之事則知之矣。上曰：何也？杖曰：臣切見比年諸道多水旱，民貧日甚，而國家兵弱財匱，官吏誕謾不足倚賴。正使彼實可圖，臣懼我之未足以圖彼也。上爲默然久之。杖因出所奏疏讀之。曰：臣竊謂陵寢隔絕，誠臣子不忍言之至痛。然今未能奉辭以討之，又不能正名以絕之，乃欲卑辭厚禮以求於彼，則於大義已爲未盡。而異論者猶以爲憂，則其淺陋畏怯固益甚矣。然臣竊揆其心意，或者亦有以見我未有必勝之形而不能不憂也。歎蓋必勝之形

歷代大儒詩鈔

卷五

張子南軒

三

采蘭堂

當在於早正素定之時而不在於兩陣決機之日上爲
竦聽改容杖復讀曰今日但當下哀痛之詔明復讐之
義顯絕金人不與通使然後修德立政用賢養民選將
帥練甲兵通內修外攘進戰退守以爲一事且必治其
實而不爲虛文則必勝之形隱然可見雖有淺陋畏怯
之人亦且奮躍而爭先矣上爲歎息褒諭以爲前始未
聞此論也其後因賜對反復前說上益嘉歎面諭當以
卿爲講官冀時得晤語也會史正志爲發運使名爲均
輸實盡奪州縣財賦遠近騷然士大夫爭言其害杖亦
以爲言上曰正志謂但取之諸郡非取之於民也杖曰
今日州郡財賦大抵無餘若取之不己而經用有闕不
過巧爲名色以取之於民耳上矍然曰如卿之言是朕
假手於發運使以病吾民也旋閱其實果如杖言卽詔
罷之兼侍講除左司員外郎講詩葛覃進說治生於敬
畏亂起於驕淫使爲國者每念稼穡之勞而其后妃不
忘織紉之事則心不存者寡矣因上陳祖宗自家刑國
之懿下斥今日興利擾民之害上歎曰此王安石所謂
人言不足恤者所以爲誤國也知閣門事張說除簽書

歷代大儒詩鈔

卷五

張子南軒

四

采蘭堂

樞密院事。杖夜草疏極諫其不可。且詣朝堂質責宰相。虞允文曰。宦官執政自京黼始。近習執政自相公始。允文慙憤不堪。杖復奏文武誠不可偏。然今欲右武以均二柄。而所用乃得如此之人。非惟不足以服文吏之心。正恐反激武臣之怒。孝宗感悟。命得中寢。然宰相實陰附。說明年出杖知袁州。申說前命。中外誼譁。說竟以謫死。杖在朝未期歲。而召對至六七。所言大抵皆修身務學。畏天恤民。抑僥倖。屏讒諛。於是宰相益憚之。而近習尤不悅。退而家居。累年。孝宗念之。詔除舊職。知靜江府。

歷代大儒詩鈔

卷五

張子南軒

五

采蘭堂

經略安撫廣南西路所部荒殘多盜。杖至簡州。兵汰冗。補闕籍諸州黥卒伉健者爲效用。日習月按。申嚴保伍。法諭溪峒酋豪。弭怨睦隣。毋相殺掠。於是羣蠻帖服。朝廷買馬橫山。歲久弊滋。邊氓告病。而馬不時至。杖究其利病六十餘條。奏革之。諸蠻感悅。爭以善馬至。孝宗聞杖治行。詔特進秩直寶文閣。因任尋除祕閣。修撰荆湖北路轉運副使。改知江陵府。安撫本路。一日去貪吏十四人。湖北多盜。府縣往往縱釋。以病其良民。杖首劾大吏之縱賊者。捕斬姦民之舍賊者。令其黨得相捕告。以

除罪羣盜皆遁去。郡頻邊屯主將與帥守每不相下。杖以禮遇。諸將得其驩心。又加恤士伍。勉以忠義。隊長有功。輒補官。士咸感奮。並淮奸民出塞爲盜者。捕得數人。有北方亡奴亦在盜中。杖曰。朝廷未能正名討敵。無使疆場之事。其曲在我。命斬之。以徇於境。而縛其亡奴歸之。北人歎曰。南朝有人。信陽守劉大辨。帖勢希賞。廣招流民而奪見戶熟田。以與之。杖劾大辨詐。所招流民不滿百。而虛增其數十倍。請論其罪。不報。章累上大辨。易他郡。杖自以不得其職。求去。詔以右文殿修撰提舉。歷代大儒詩鈔

卷五

張子南軒

六

采蘭堂

武夷山冲佑觀。病且死。猶手疏勸上親君子。遠小人。信任防一己之偏。好惡公天下之理。天下傳誦之。杖有公輔之望。卒時年四十有八。

欽定國子監志。宋景定二年。從祀封華陽伯。

國學禮樂錄。寧宗嘉定二年。賜諡曰宣理。宗景定二年。追封華陽伯。從祀。

孔廟明嘉靖九年。改稱先儒張子。

國朝因之。

詩

謹案南軒集四十四卷自卷一至七載詩四言
二十四首六言十首五古九十二首七古八首
五律一百七首七律三十六首五排二首五絕
三十二首七絕二百十六首俱分體總詩五百
二十七首今鈔一百八十首

古詩

送八兄

彌旬積雨穗生耳冬壑未渠收潦水圍爐情話政爾佳
乃復歸舟行萬里三年百感臥湘城風急鵲鴿原上情
豈無他人意獨真每覺輒語溫如春少年銳氣凌八區

歷代大儒詩鈔

卷三五

張子南軒

七

采蘭堂

晚以樂義稱鄉閭聞人有急若已如天報兩子雙明珠
小隱卜築蘭溪邊脩篁喬木今參天是非榮辱不到處
卷書一榻清晝眠人言壽骨隱君眉慶事鼎鼎供期頤
豈惟宗族託軌範政倚晚節增光輝有弟有弟復何爲
杜門讀書人謂癡故山未遂掃松願江頭獨立送歸時

五士游嶽麓圖

閉門六月汗如雨出門襤褸紛塵土文書堆案曲肱臥
夢逐征鴻過前浦西山突兀不可忘勇往政須求快睹

朝暎未升起微風。中流伊亞挾鳴櫓。長林秀色已在望。
有如出語見肝腑。意行愛此松陰直。眼明還喜碑字古。
高低梵釋着幽居。深穩仙家開闕宇。忽看宮牆高十丈。
學宮峩峩起鄒魯。斯文政倚講磨切。石室重新豈無補。
危梯徑上不作難。橫欄截出可下俯。惟茲翼軫一都會。
往事繁華雜歌舞。變遷返覆寧重論。昔日樓臺連宿莽。
邇來人物頗還舊。豈止十年此生聚。泉流涓涓日循除。
華表何時鶴來語。爰氛知不到山林。茗盃蒲團對香縷。鼎

歷代大儒詩鈔

卷五

張子南軒

八

采蘭堂

來杖屨皆勝引。季也亦復同步武。洛陽年少空白頭。三
閭大夫浪自苦。一笑便覺真理存。高談豈畏丞卿怒。不
圖畫僧聖得知。貌與兒童作夸詡。請君爲我添草堂。風
雨蕭蕭守環堵。

次韻伯承見簡探梅之什且約人日同遊城東

江湖漫浪歲年晚。雖有梅花誰寄遠。城中可人獨吳郎。
不惜日力供往返。東郭枝頭玉雪明。下有清淺溪流橫。
新春好趁花前約。莫待飄零空作惡。

張安國約同賦仇氏釀酒

人間炎熱不可耐。君家甕頭春未央。想當醉倒臥水日。
夢遶清淮歸故鄉。後生那得識此酒。從君乞方還肯否。
徽州作賦爲歛歔。荊州詩來端起予。

李仁父寄茯苓酥賦長句謝之

岷峩山中千歲松。枝虬幹直摩青空。雪霜剝落中不槁。
膏液下與靈泉通。龜跬鳧伏自磊砢。金堅玉潔仍豐融。
篝明夜取喜得雋。煮鼎朝聽如吟風。杵成坐上看飛雪。

歷代大儒詩鈔卷五

張子南軒

九

采蘭堂

更和酪乳收全功。當知至味本無味。子若服之壽莫窮。
巽巖脊梁硬如鐵。冠峩切雲佩明月。百好都隨春夢空。
大藥獨傳鴻寶訣。中宵咀嚼不搖頭。玉池生肥燕不徹。
憐我百慮形蚤衰。裹贈扶持意何切。丹砂着根謾爾傳。
脂澤釀黍計已拙。由來妙道初不煩。此法莫從兒輩說。
徑思舉袂揖浮邱。下視塵世真一吷。朱顏留得亦何爲。
追逐同堅歲寒節。

用前韻送彪德美

嘗嗜貴知味。短綆難汲深。讀書不能發。但自成書淫。况

復翻異說。潢流渺難禁。豈知言意外。妙此惟微心。初無古今異。歲月謾駸駸。五峯講學地。歎息風雨侵。前時約同途。舊遊愴追尋。鳴鳳不可見。脩竹餘清陰。斯文天未喪。千載發韶音。春風滿天宇。魚鳥自飛沉。河流貫霄極。芥舟膠寸涔。神交獨吾子。妙處但微吟。文會匪易得。未應歸故林。君無泉石癖。膏肓詎須箴。

采菊亭

并引

陶靖節人品甚高。晉宋諸人所未易及。讀其詩可見胸次灑落。八窗玲瓏。豈野馬遊塵所能棲。

歷代大儒詩鈔

卷五

張子南軒

十

采蘭堂

集也。前建安丞張君精力未衰。卽掛冠家于瀏陽。有年矣。葺小園爲亭。面南山來。求予名。予名之曰采菊。取靖節所謂采菊東籬下。悠然見南山。嗚呼。靖節興寄深遠。特可爲識者道耳。

陶公千載人。高標跨餘子。豈無濟時念。斂蔭獨知止。歸來臥衡門。無愠復何喜。九日天氣佳。東籬擷芳藥。舉頭見南山。佳處政在此。地偏心則遠。意得道豈否。張侯謝銀魚。築室娛燕几。小亭才尋丈。景物自新美。頗聞雙瞳清。亦復強步履。不妨數登臨。倚杖看雲起。高詠悠然篇。

飛鴻送千里

送鮮于大任入成都幕

虜馬昔飲江。扁舟憶同鷺。翁方爲國謀。客以名義故。安
危匪前料。得失渠異趣。淮壩渺風雪。王事有程度。息偃
多在牀。君車不停駐。初無作難色。所立詎愆素。嗟我吳
門別。風水歲徂暮。相逢復湘城。往事忍回顧。獨餘後彫
心。特立凜不懼。莫邪雖云利。寧作囊錐露。善藏要有待。
小試隨所遇。終無缺折虞。豈但走狐兔。吾州得良牧。民
力或可裕。本根賴封殖。疆索費調護。從容試長思。取急
歷代大儒詩鈔

卷五

張子南軒

十一

采蘭堂

無窘步。作別忽草草。懷抱復誰付。他時下瞿唐。訪我林
下屨。儻於功名餘。更講末後句。

同遊嶽麓分韻得洗字

遊觀不作難。呼舟度清泚。新晴宿潦淨。羣山政如洗。上
方着危欄。萬象見根柢。寒泉自可斟。况復雜肴醴。高談
下夕陽。邂逅元鑰啟。中流發浩歌。月色在波底。

送張深道

人言底柱險。袖手不敢邇。孰知人心危。毫釐千萬里。有
來事物繁。酬酢無披靡。雖云應不難。要且辨真偽。良知

本易直天機。驗所起。涵濡。自日新。日新。乃無蔽。聖學非
空言。要領故在此。吾子端發源。所進渺涯涘。我雖念不
敏。詎敢忘所止。後會儻有時。深功同舉似。

謹案張子此詩良知本易直天機驗所起又
聖學非空言要領故在此則良知之學宋儒
已言之其說本於孟子非陽明獨創原與紫
陽不悖

留題金山寺

長江岷山來。灌注天下半。東行近海門。勇往更瀾漫。蒼
巒忽中流。屹立助傑觀。孤根八層淵。秀色連兩岸。我來
最奇絕。霜月與璀璨。褰衣到絕頂。恍若上河漢。悠然發
歷代大儒詩鈔

卷五

張子南軒

上 采蘭堂

遐思俯仰爲三歎。乾坤無餘藏。今古有長算。更深寂羣
動。樹杪獨鳴鶴。回頭喚山僧。爲記此公案。

王長沙梅園分韻得林字

令君五畝園。不問蓬蒿深。江梅忽秀發。邂逅成賞音。一
笑領諸客。掃地坐牆陰。清芳到酒面。落葉飄衣襟。月出
未忍去。起舞獨微吟。人自賞晤耳。問花亦何心。花雖有
開落。意則無古今。須君戒勿折。嘉實看成林。

詩送元晦尊兄

君侯起南服。豪氣益九州。頃登文石陛。忠言動宸旒。坐

令聲利場縮頸仍包羞。卻來臥衡門。無愧自曰休。盡收
湖海氣。仰希洙泗游。不遠關山阻。爲我再月留。遺經得
紬繹。心事兩綢繆。超然會太極。眼底無全牛。惟茲斷金
友。出處寧殊謀。南山對牀語。匪爲林壑幽。白雲政在望。
歸袂風颼颼。朝來出別語。已抱離索憂。妙質貴強矯。精
微更窮搜。毫釐有弗察。體用豈周流。驅車萬里道。中途
可停輒。勉哉共無斃。邈矣追前修。

過胡文定公碧泉書堂

入門認溪碧。循流識深源。念我昔此來。及今七寒暄。人

歷代大儒詩鈔

卷三五

張子南軒

三

采蘭堂

事幾更變。寒花故猶存。堂堂武夷翁。道義世所尊。永袖
霖雨手。琴書賁邱園。當時經行地。尙想語笑溫。愛此亭
下水。固若玻璃盆。晴看浪花湧。靜見潛鱗翻。朝昏遞日
月。俯仰鑑乾坤。因之發深感。倚檻更忘言。

道旁見穫者

腰鎌聲相呼。十百南畝穫。婦持黍漿饋。幼稚走雀躍。辛
勤旣百爲。幸此歲不惡。王租敢不供。大室趨逋約。雖云
粒米多。未辦了升餼。姑寬目前飢。詎有卒歲樂。樂歲尙
爾爲。一歉更何託。書生獨多憂。何以救民瘼。

湖南使者邵公召赴在所寓客張某敬賦以餞

行李

公來使湘州。氣象日淳美。不為察察明。自謂平平耳。未
須走原隰。但使心如水。儻無耳目蔽。庭戶即千里。頃聞
上封章。便欲返桑梓。其如矍鑠姿。難着湖山裏。春風一
札下。趣往覲天咫。新淥渺滄洲。揚舲一何駛。土方處遠
外。憂國抱蘊底。寧應立君前。輔車有或柅。煌煌四門開。
側席問民瘼。百慮願畢陳。高風泚餘子。

遊靈巖

歷代大儒詩鈔 卷三五

張子南軒

十四

采蘭堂

我登姑蘇臺。笑指前溪水。水從具區來。古色映清泚。明
朝泛舟去。兩岸雜蘋芷。縈紆知幾曲。舉目皆可喜。稻熟
千頃黃。秋入四山紫。疎鐘度橫塘。青帘穿野市。忽驚秀
氣逼。突兀平地起。鳳閣出林顛。穹石滿山趾。褰裳上深
徑。鳴蟬聲聒耳。木罇露遐觀。欲進足屢止。梵宮開何年。
金碧煥相倚。上方納湖光。千里淨如砥。中峯何亭亭。正
爾當燕几。沙鷗鷺微水。落魚龍徙雲。遶闔閭。邦草迷
於越。壘琴臺。俯香徑。不念前王侈。茲山自古今。詎此能
為痕。老松獨堅臥。根株互盤峙。頽然閱滄波。愛此青未

己。我來三日畱。幽事付行李。領略寧有窮。登臨聊可紀。
題乖崖堂

平生乖崖公。及此拜仿佛。凜然風埃外。餘子避英爽。憶
公昔正色。抗論指邪枉。念當絕其根。所畏日滋長。晴空
轟雷霆。下土走魅魍。云何廊廟姿。半世江海。上徒令治
郡聲迄。今滿天壤。論相危及公。亦豈坐偏彊。嗟哉彼隘
俗。利欲扼其吭。聞公卓絕風。吐舌仍儻怳。豈知古之人
事業。係所養。臨機隨手應。如屣適。奇養李侯亦高世。希
蹤自疇曩。萬里見丹青。高堂闢虛敞。琅琅壁間記。讀者
歷代大儒詩鈔卷五

張子南軒

五

采蘭堂

興慕仰。我來歲云暮。霜林振餘響。嘆息重徘徊。題詩詔
吾黨。

次韻周畏知問訊城東梅塢七首

今鈔二

城東幽事如許。一見定勝百聞。苦雨斜風無奈。斷橋流
水餘芬。

可是看花不厭。城南更欲城東。多謝諸君著語。莫教孤
負春風。

別離情所鍾。十二章章四句。送定叟弟之官嚴

陵

別離情所鍾。會合意無斃。如何僅踰歲。復賦弟行役。歲律亦已暮。風烈雪漫漫。去路阻且長。念子衣裘單。嚴之水淪漪。其山復蒼蒼。子陵釣游地。草木有餘光。我昔臨此州。民容拙使君。子行爲多謝。慰彼無毫分。別駕亦何事。休戚理則同。但使民受惠。無論別駕功。巍巍孤高亭。念我昔所喟。子也時一登。千載起立志。某在嚴陵嘗爲宋廣平立孤高亭義路本如砥。利徑劇羊腸。何以書子紳。世德不可忘。自昔謹交際。人情易因循。敬始以念終。君子貴守身。鄰邦呂正字。質疑時以書。校官有袁子。苦語莫厭渠。藐茲

歷代大儒詩鈔

卷五

張子南軒

七

采蘭堂

遺體重。相對子與予。祝子以自愛。念不忝厥初。雲滿南陽陌。書藏善和宅。行行重回首。無使歸思隔。送子目力短。朔風吹我裾。心焉獨如結。子也當念予。

芭蕉茶送伯承伯承賦詩三章次韻

與子藝蘭九畹。勝渠賜璧一雙。更碾春風白雪。同看明月清江。

賦遺經閣

生世豈云晚。六籍初未亡。向來言外旨。瞠視多茫茫。隱微會見獨。如日照八荒。始知傳心妙。初豈隔毫芒。絕學

繼顏孟。淳風返虞唐。讀書無妙解。數墨仍尋行。況復志
寵利。荆榛塞康莊。自云稽古功。此病真膏肓。君家屹飛
閣。面對羣山蒼。匪爲登臨娛。牙籤富書藏。邀予爲著語。
會意詎可忘。一洗漢儒陋。活法付諸郎。

題淮陰祠

秦關昔先驅。南鄭豈淹久。夜中丞相歸。平明印垂肘。古
來豪傑人。調度出窠臼。登壇一軍驚。六合已在手。從茲
看廓清。指揮如運帚。時艱思竒才。廟古酌樽酒。出門望
長淮。故國長稂莠。風雲正慘澹。人事極紛糾。拘攣儻無
歷。代大儒詩鈔卷五

張子南軒

七

采蘭堂

累吾欲獻九九

送劉樞密畱守建康

整駕欲南鶩。乃復送公舟。公行民所瞻。願言勿淹畱。向
來秉事樞。正色有忠謀。坐覺國勢尊。已驗權綱收。如何
霜雨澤。偏使及南州。新春紫詔下。聞者寬百憂。誰昇今
重鎮。百萬宿貔貅。控江撫長淮。聲勢接上流。吾皇志經
略。此地合綢繆。不應萬全策。歲月空悠悠。先當植本根。
次第施良籌。未聞欲外攘。而乃忽內修。幕府方宏開。人
才要旁搜。可不念葑菲。惟當別薰蕕。畱鑰豈淹久。卽歸

侍前旒。盡舒醫國手。彫瘵會有瘳。還憶遐荒守。時能寄
音不。

定叟弟生朝遣詩爲壽

我昔在嚴城。惟子桂林思。舊游復更踐。相望仍今茲。行
止不可期。會合何參差。況乃近重九。清杯憶同持。想子
撫初度。難忘蓼莪詩。而我獨東向。慙慙頌期頤。祝子以
愛身。永佩過庭規。勉子事遠業。昔賢以爲師。安車接節
度。中道行逶迤。他年老兄弟。鶴髮仍龐眉。歲晚話平生。
期以無媿辭。及此良未易。兢兢願同之。

歷代大儒詩鈔

卷五

張子南軒

十八

采蘭堂

次韓機幕韻

韓杜有佳句。炯炯如辰星。自昔此邦勝。中土亦飢聽。奇
觀今愈多。洞戶長不扃。秀色真可餐。腴澤到畦丁。寒巖
度輕舫。瘦嶺著危亭。固已小鴈蕩。寧復設錦屏。自我來
擁麾。每思御風冷。如何半載閒。足迹才一經。居然俯仰
中。便覺塵慮冥。舊刻暗蒼蘚。往事過奔霆。頗聞煙霞外。
往往接神靈。向來羽衣士。吐內誇奇齡。終焉亦歸盡。難
畱鬢毛青。塞鴈度霄漢。沙鴻飛遠汀。大哉天壤閒。逍遙
各隨形。人生亦何有。泛若水上萍。勿作分外念。但勉明

德馨乘時各努力日馭不我停夢回故園好蘭菊羅中
庭從知靖節醉遠勝次公醒

祕閣鄭公移節鄉部置酒餞別詩以侑之

者僻寡同好意合難語離傾蓋今幾年盍簪愜心期況
復王事同退食陪委蛇窺君肺腑中落落無藩籬獨有
見義勇褰裳欲從之憂時多苦語懷古更餘悲坐使嶺
海閒冰雪映清規我拙倚君重孤懷良自知正如乘霧
行不覺蒙其滋人生豈無別念此尤依依維聞號蕃庶
今亦困繭絲平時里社游耳目到隱微想當入境初不
歷代大儒詩鈔卷五
張子南軒
五九
采蘭堂

離思

清明後七日與客同爲水東之游翌朝賦此

平生山水癖妙處只自知夙約常寡味邂逅愜心期幅
巾與藜杖安步隨所之渴求坐官府頗覺此願違城頭
望羣峯欲往類絆羈三春苦風雨晴日一伸眉沙邊散
車騎竹輿從嘔啞獨與三四客野服相追隨亭高俯空
曠洞古探瓌奇懸崖隱日月幽壑蟠蛟螭澗水雜鳴佩

松風發清吹。興來卽傾酒。語到亦論詩。聊指簿書眼。償此閒暇時。所歷固未厭。所感多餘思。昔遊木葉下。今茲綠陰肥。江山雖可識。歲月迺如馳。素餐豈不念。懷安敢云私。歸來耿不寐。欹枕聽晨雞。

李仁甫用東坡寄王定國韻賦新羅參見貽亦

復繼作

三韓接蓬萊。祥雲護日頂。涵濡雨露春。吞納日月景。美蔭背幽壑。靈根發奇穎。艱難航瀚海。包裹走潮嶺。仙翁閱世故。未肯遽生瘦。相期汗漫游。歲晚共馳騁。願持紫歷代大儒詩鈔

卷五

張子南軒

子

采蘭堂

團珍往扣黃庭境。想翁面敷映玉色。帶金井芸芸納歸根。湛此方寸靜清規。照濁俗不惑類。楊秉懸知藥籠中。此物配丹鼎。從今設天舌。不用便澆茗。

廬山有勝處曰卧龍南康朱使君始築茅繪諸

葛武侯像於其中以書屬子賦詩寄題此篇

廬山僊靈宅。佳處固非一。頗聞臥龍勝。幽深諒難匹。懸

瀑瀉琮琤。石壁兩峯聳。草木被光輝。波瀾動回沒。今年

朱使君下馬恍若失。徘徊領妙趣。指點築茅室。爲愛臥

龍名。英姿慨超軼。於焉儼繪事。長風起蕭瑟。髣髴梁父

吟。尚。想。翁。抱。膝。慘。澹。風。雲。會。飄。忽。日。月。疾。獨。存。經。世。心。
千。載。詎。可。汨。褰。裳。欲。從。之。雲。濤。渺。寒。日。
和吳伯承 此下補鈔五古

一。葦。湘。可。航。風。濤。建。春。深。裴。臺。尺。地。勇。往。復。雨。淫。窗。
前。幾。紅。藥。俛。首。如。不。禁。悠。悠。覽。物。化。了。了。知。予。心。卜。隣。
得。佳。士。問。學。方。駸。駸。端。如。雲。間。鶴。不。受。塵。埃。侵。應。門。有。
長。鬚。杖。策。許。相。尋。匪。爲。食。有。魚。杞。棟。采。牆。陰。聽。我。清。廟。
詩。三。歎。有。餘。音。洋。洋。百。世。下。斯。道。豈。陸。沉。君。看。有。本。源。
發。端。自。涔。涔。願。君。勉。勿。倦。抱。膝。試。長。吟。儻。臻。名。教。樂。何。
歷代大儒詩鈔 卷五 張子南軒 三 采蘭堂
必。懷。山。林。新。詩。尚。來。嗣。庶。以。貽。規。箴。

送范西叔教授西歸

乃。祖。至。和。間。忠。謀。書。鼎。彝。但。知。陛。下。聖。豈。知。吾。言。危。元。
祐。愛。君。語。讀。者。猶。涕。洟。典。刑。今。不。忘。盛。德。故。在。茲。歲。晚。
子。過。我。秀。若。齋。房。芝。持。身。蹈。規。矩。出。語。無。瑕。疵。向。來。長。
安。道。詎。肯。舍。靈。龜。萬。里。一。泮。宮。行。囊。幾。新。詩。湘。山。足。幽。
勝。而。水。清。漣。漪。登。臨。豈。不。樂。邂逅。枌。榆。思。我。懶。抱。僻。學。

絕絃理朱絲。子獨慕千載。悠然契心期。豈不爲我留。感此節物移。臨歧撫陳編。爲子三噫嘻。高深諒何極。循求有端倪。願言勉事此。奕葉光前規。

送邵懷英赴召

自君之西來。吾徒獲三益。匪惟欣晤言。望見意已適。俯仰歲再更。交情共金石。翩然別我去。寧復得此客。諸公有推轂。詔下亟傳驛。嘉言久填胸。往觀天咫尺。豈其湘水邊。而可滯六翮。雖深惜別思。敢後天下責。嗟哉善利途。雞鳴分舜蹠。浮雲起臺釐。乃有泰山隔。持身與謀國。歷代大儒詩鈔卷五

張子南軒

五

采蘭堂

茲義貫於一。君侯天資高。遇事無逼迨。所立凜不同。舉手謝物役。保此方寸印。勿受一塵隙。廓然麗昭回。萬象歸指畫。富貴豈君心。事業追往昔。贈言不能工。庶以永無斃。

安國置酒敬簡堂分韻得柳暗六春字

桴鼓息荒村。襍穢盛南畝。永日省文書。呼客共尊酒。主人出塵姿。宛是靈和柳。行歸帝所遊。此地豈淹久。公臥百尺樓。餘子可下瞰。我每奉談塵。汲古得深探。身外皆爲餘。此道要無憾。從渠梅雨天。陰晴遞明暗。公憎孔壬。

面怪石乃寓目。義堂發深藏。林立驚滿屋。我亦苦嗜此。
一見下風伏。何當載而歸。妙策三十六。堂下列絲竹。堂
上娛佳賓。相看夜未艾。樂此笑語真。風流今屬公。我輩
但逡巡。文章千古意。翰墨四時春。

同元晦擇之遊嶽道遇大雪馬上作

驅車望衡嶽。羣山政參差。微風忽南來。雲幕爲四垂。爰
官挾蓐收。從以萬玉妃。庭熒亦何有。尺璧仍珠璣。奇貨
吾敢居。妙意良自知。林巒倏變化。轍迹平高低。喬松與
脩竹。錯立皇瑰姿。清新足遐寄。浩蕩多餘思。平生湘南
道。未省有此奇。況復得佳友。晤言相追隨。茅簷舉杯酒。
旅榻誦新詩。更約登絕頂。同觀霽色時。

遊南嶽風雪未已決策登山用春風樓韻

人言南山巔。煙雲聳樓觀。俯瞰了坤倪。仰攀接天漢。勇
往愧未能。長吟湘水畔。茲來渺遐思。風雪豈中斷。行行
重行行。敢起自畫歎。我聞精神交。石裂冰可泮。陰沴驅
層霄。杲日麗旭旦。決策君勿疑。此理或通貫。

陪舍人兄過陳仲思溪亭深有買山下隣之意
舍人兄預以顛壑見名因成古詩贈仲思

築居湘水濱。歲月亦已久。寧知負郭東。勝處入君手。回
環煙塢深。有此溪十畝。朝暎穿林薄。荷氣薰戶牖。堂堂
吾州牧。下馬喚賓友。主人故喜事。一笑具殽菽。汲泉泛
崇蓮。洗醞傾穉酒。淋漓壁間書。自可傳不朽。我獨留薄
暮。清溪時矯首。人言君不偶。此豈落人後。觀君眉宇間。
似亦挾所有。隔溪更幽絕。古木蔭高阜。卻立望遙岑。四
序列鐘匱。買山吾計決。便欲翦榛莠。居然顛一壑。豈羨
印如斗。未知隣家翁。還肯見容否。

次韻德美碧泉感舊之什且約胡廣仲伯逢季

歷代大儒詩鈔

卷三五

張子南軒

五

采蘭堂

邱來會上封

相逢傾蓋地。回首歎川上。士窮不足怪。但喜氣愈王。凜
然歲寒姿。儒林有龍象。棲遲似隱君。翼鏤真詩將。惟應
一彈指。欲了四大藏。舊習想冰消。豈復畱餘恙。新篇更
紆餘。和氣與醞釀。卻思東魯遊。幾載南陽葬。風霜摧宰
木。日月隨過浪。豈期經世心。晚歲成獨往。蕭然屋半欹。
使我懷抱愴。獨有千載傳。此事可憑仗。細觀宇宙間。何
得復何喪。尙期浮雲開。衡嶽來見狀。秋壑采蘭蓀。霜林
收栗橡。曉看日浮空。夜賞雪侵帳。更憐二三友。前山屹

相望。文會儻來尋。勝踐天所相。妙理須細論。長歌卻雄放。褰裳請勿疑。當仁應不讓。

自西園登山

雨後溪重碧。木落山增明。西風肅羣物。感此秋氣清。振衣千崖表。俯瞰萬籟生。匪云幽遐慕。政爾未忘情。

路出祝融背仰見上封寺遂登絕頂

我尋西園路。徑上上封寺。竹輿不留行。及此秋容霽。磴危霜葉滑。林空山果墜。崇蘭供清芬。深壑遞幽吹。不知山益高。但覺冷侵袂。路回屹陰崖。突兀聳蒼翠。故應祝

歷代大儒詩鈔

卷三五

張子南軒

三五

采蘭堂

融尊羣峯拱而侍。金碧雖在眼。勇往詎容憩。絕頂極遐觀。腳力聊一試。昔遊冰雪中。未盡登臨意。茲來天宇肅。舉目淨纖翳。遠邇無遁形。高低同一視。永惟元化功。清濁分萬類。通行有機緘。浩蕩見根柢。此理復何窮。臨風但三喟。

中夜祝融觀月

披衣凜中夜。起步祝融巔。何許冰雪輪。皎皎飛上天。清光正在手。空明浩無邊。羣峯儼環列。玉樹生瓊田。白雲起我旁。兩腋風翩翩。舉酒發浩歌。萬籟爲寂然。寄言平

生友誦我山中篇。

晨鐘動雷池望日

浮氣列下陳。天淨澄秋容。朝暾何處升。彷彿認微紅。須臾眩衆采。闐闐開九重。金鉞忽湧出。晃蕩浮雙瞳。乾坤豁呈露。羣物光芒中。誰知雷池景。乃與日觀同。徒傾葵藿心。再拜御曉風。

次韻元晦擇之雪中見懷

流水浩無息。游雲去不休。我思在何許。起步三徑幽。男子四方志。胡爲守一邱。盍簪未可期。此意空綢繆。平生

歷代大儒詩鈔

卷三五

張子南軒

五

采蘭堂

子朱子。砥柱屹橫流。探古獨遐觀。萬象供雙眸。結友得林子。苦心事窮搜。看渠清介姿。便可披羊裘。昔者千里駕。共我風雪遊。永言清絕景。祇以好語酬。居然隔年別。卻喜翰墨留。詩來尙記憶。知子不我尤。講習今難忘。離索古所憂。但當勉耘耔。歲晚儻可收。

廣漢黃仲秉卽轉運使所治之東作亭扁以楚

翠蓋取杜陵所謂楚岫千峯翠者屬客賦詩

維衡屹南荒。作鎮自開闢。蟠根結地厚。面勢倚空碧。陂陁數州境。高下相接迹。麓山乃其趾。神秀固未極。定王

十里城處處見山色。知誰長在眼。嗟此塵中客。觀風君獨暇。延納到几席。得句悅忘言。寄興渺今昔。自君之東來。民瘼極探索。仁言徹九關。寧懼虎豹厄。諏詢遍南畝。民肥吾則瘠。築亭一舒嘯。逮此百憂隙。看山儻不愧。隱几亦聊適。寄語後來者。此意當無斁。

寒食前三日野步烏龍山中石上往往多新芽

手撚盈匊酌玉泉。煮之芳甘特甚。有懷伯承兄

賦此以寄

披雲得新腴。煮泉聽松風。香永味自真。不與餘品同。悠

歷代大儒詩鈔

卷三五

張子南軒

七

采蘭堂

然薄莫留。歸來隱疎鐘。念昔湘濱游。年年撚芳叢。遲日照高嶺。新雷驚蟄龍。落磴快先啜。鼓腹欣策功。夜燈紫筠窗。香生編簡中。誰與共此樂。臭味有隣翁。榻來七里城。日月轉飛蓬。山川豈不好。予憂日冲冲。酌此差自慰。思君復無窮。

六月晦發雪川廣德兄與諸友飲餞于漁山已

而皆有詩贈別寄此言謝

平生苔雪夢。邂逅此登臨。青山秀而遠。溪水潔且深。浮玉千古色。飛鳳何年音。小邱闢蒼蒼。脩竹初成林。居然

得此客。頌略還披襟。已歌棠棣詩。更作伐木吟。兄嗟弟
行役。友念朋盍簪。情深語更質。意到酒自斟。荷風生薄
莫。涼雨洗遙岑。翻然放舟去。別緒故難任。我行日以遠。
佳處長會心。作詩寄餘韻。併以謝幽尋。

過洞庭

城頭雞一號。浩蕩風脚回。篙師起相呼。牽帆上高桅。我
亦推枕聽。波浪聲轟轟。窗間試一覘。萬頃銀山開。附火
且安坐。念此亦快哉。良久天平明。已見金沙堆。泊舟古
廟底。喜色動輿臺。我行正長夏。及此歲律摧。通籍恨亡
歷代大儒詩鈔

卷十五

張子南軒

庚

采蘭堂

補敢賦歸去來。所至有何忙。妙處姑徘徊。險阻元自平。
鷗鳥亦不猜。萬事有定理。渠謾費安排。明朝上湘水。雪
意正栽培。行矣一杯酒。好在故園梅。

次韻陳寺丞建除體

建議了亡補。歸來謝馳驅。除荒城南邱。有田十畝餘。滿
城車馬喧。得此逃空虛。平湖永晝靜。泉聲雜埴竽。定自
非偶然。供我耳目娛。執熟者誰子。來浣塵土禴。破顏爲
我笑。共看雲卷舒。危機起於中。胡越生同車。成功妙克
已。八荒元一區。收心試參此。得失竟焉如。開緘得君詩。

嗜好如我迂。閉門君未可。出處本非疎。

平時兄弟閒。十三章章四句送。定叟弟之官桂

林

平時兄弟閒。未省別離味。別時已不堪。別後何由慰。庭
萱既荒蕪。燕綵委塵土。子歎子咨嗟。寒窗夜風雨。逮此
閒暇日。賴有先世書。與子共紬繹。舍去情何如。嗚呼忠
獻公。典則垂後裔。遺言故在耳。夕惕當自厲。何以嗣先
烈。匪論達與窮。永惟正大體。不遠日用中。履度如履冰。
猶恐有不及。毫釐儻不念。放去如決拾。事業無欲速。燕
歷代大儒詩鈔 卷五
張子南軒
元 采蘭堂
逸不可求。速成逸多害。求逸翻百憂。南山有佳木。柯葉
正敷榮。願圖歲晚功。大用寧小成。歲晚豈不念。風雨漂
搖之。但當護木根。紛紜爾何爲。嶺海坐清靜。府公金玉
姿。幙府省文書。簡編可委蛇。十步有茂草。會府宜多賢。
親仁古所貴。更誦伐木篇。聞之元城公。南州宜正酒。正酒縱
未能。少飲還得不。子行日以遠。我思日以長。政或少閒
暇。書來不可忘。

初春和折子明歲前兩詩

古今同活法。妙處在阿堵。浮雲不作崇。白黑可坐數。窮

冬掩關臥。豈爲作詩苦。挑燈讀韋編。至味可深咀。新春風雨中。日日鳩鳴屋。小園政可步。奈此泥濘足。卻坐問樽酒。知足乃不辱。一杯徑陶然。敢羨車載麪。

五月十六日夜城南觀月分韻得月字

梅收清風來。宇淨寶鑑揭。頻年城南游。未有今夜月。呼舟泛微瀾。游魚亦出沒。危榭倒影浮。倚檻涼入骨。舉酒屬西山。寒光動林樾。諸君興未已。南阜上突兀。目極大江流。高情更超越。

田舍

歷代大儒詩鈔

卷三五

張子南軒

三

采蘭堂

竹葉帶曉露。茅簷起炊煙。蛩吟枯草根。犬吠壤垣邊。田家亦何營。生理固足憐。風霜摧我稼。稂莠長我阡。卒歲復何念。一飽未補前。我思昔之人。備豫理所先。積倉徧郊野。甘雨盈公田。臨風重搔首。復古何由緣。

平父求筍炙既并以法授之乃用往歲張安國

詩韻爲謝輒復和答

知君友竹君。寧便食無肉。更哦脯笋詩。句妙騷可僕。南公鮭菜脍。父壘嗜好自爾。元非癡君。但將從力。噉此大勝折腰鄉里兒。

淳熙乙未春予有桂林之役自湘潭往省先塋
以二月二日過碧泉與客煮茗泉上徘徊久之
下馬步深徑洗琰酌寒泉念不踐此境于今復三年人
事苦多變泉色故依然緬懷德人游物物生春妍當時
疏闕功妙意太古前屐齒不可尋題榜尙覺鮮書堂何
寂寂草樹亦芊芊于役有王事未暇謀息肩聊同二三
子煮茗蒼崖邊預作他年約扶犁山下田

八月既望要詳刑護漕游水東早飯碧虛徧觀

棲霞程曾龍隱諸巖晚酌松關放舟過水月洞

歷代大儒詩鈔

卷三五

張子南軒

三

采蘭堂

月色佳甚逼夜分乃歸賦此紀遊

灘江卽湘江戢戢清見石其東列羣峯秋色碧復碧日
出霧露收草徑上逼側憑欄揩望眼已足慰疇昔更窺
巖穴勝創見爲驚咋如何數里間奇觀相接迹寬同厦
屋深劃若巨靈擘日月遞光景風雲變朝夕石橋幾年
成乳竇時一滴神龍舊隱處仰視多碎易蛻迹凜猶存
隱隱印霜脊下有澄湫深餘波漱蒼壁往者已仙去來
者此其宅薄晚扣松關風過聲索索聊麾車騎退容我
且散策御望訾家洲輕舫度前磧回首煙樹林已復掛

瞻魄。宇曠淨餘滓。羣物被光澤。何所寄遐思。空巖皎虛
白。清輝可一規。水色相激射。天邊與川上。亭亭如合璧。居
然廣寒游。不用假六翩。班坐依微瀾。晤賞共佳客。因之
想千載。詎有今古隔。蕭鼓歸夜闌。觀者粲城陌。徃徃羅
杯杵。班班見穀核。諒因年歲豐。人意少舒適。視爾意少
舒。於予亦忻懌。

題榕溪閣

寒溪澹容與。老木枝相樛。其誰合二美。名此景物幽。太
史昔南驚。於焉曾少休。想當下榻初。清與耳目謀。品題
歷代大儒詩鈔 卷三五 張子南軒 三 采蘭堂
得要領。亦有翰墨畱。我來訪遺址。密竹鳴鈎輅。稍令舊
觀復。還與佳客遊。樹影散香篆。水光泛茶甌。市聲不到
耳。永日風颼颼。所欣簿書隙。有此足夷猶。平生邱壑願。
如痼不可瘳。雖知等喧寂。終覺靜理優。更思濯滄浪。榕
根浮小舟。

止酒

淵明通達士。止酒乃成詩。終焉未能忘。寄意良在茲。勇
哉典午君。覆觴無再期。念本萬乘貴。艱難有深思。況乃
一介士。而或志可移。被齋揆前訓。剛制聖所辭。銘心永

無數。多言亦奚爲。

外弟信臣總幹西歸駐舟沙岸得半月之款於
其行口占道別

外家源流遠。文物被諸孫。嗟我數年來。願識佳弟昆。酥
酪本同味。蘭芷非殊根。競爽有如此。知當大其門。信也
來過我。氣貌清而溫。方欣駐足地。中有靜者存。皎然明
月光。豈復受濁渾。塤篪迭和時。此理試共論。

子遠使君出守廣漢始獲傾蓋諸官賦詩贈別
其廣漢人也故末章及之

歷代大儒詩鈔

卷三五

張子南軒

三

采蘭堂

半生落南州。分與岷峨疎。竭來荆江上。所欣近鄉閭。吾
鄉多雋豪。雜還來舟車。時從說情語。頗覺中懷舒。中間
識胡公。粹美真璠璵。心遠氣自靜。語簡意有餘。向來有
推轂。八校中祕書。名場萬夫立。人亟我則徐。拳拳抱忠
愛。百慮纔一攄。白雲已在望。思親惜居諸。乞州枌榆邊。
政以便版輿。同舍挽不住。清風挾歸裾。觀君進退間。此
豈爲名譽。春帆肯小駐。論交良慰予。愛君秉質高。且復
富蓄儲。任重則道遠。願言勿踟蹰。吾州得賢牧。父老想
樂胥。我亦有一廬。徑思歸荷鋤。

淳熙四年二月既望靜江守臣張某奉詔勸農
于郊乃作熙熙陽春之詩二十四章章四句以
示父老俾告于其鄉之人而歌之

熙熙陽春既發既舒翼翼南畝是展是圖嗟爾農夫各
敬乃事往利爾器誠爾婦子惟生在勤勤則及時惟時
之趨時不爾違祈祈甘雨膏我下土習習谷風和澤乃
普往卽爾耕惟力之深往蒔爾苗勿倦其耘于日于夕

歷代大儒詩鈔

卷五

張子南軒

五

采蘭堂

自遂自達爾心勿忘彼生孰遏惟天之心矜我下民
不違天使爾有成既穡既實既堅既好爾穫既周先養
爾老保爾家室撫爾幼穉既迄有年復思嗣歲嗟爾父
老其訓其誠俾務於本惟土物愛不念其本則越其思
所思既越害斯百罹嗟爾父老其告其喻爾之有生君
實覆汝尊君親上其篤勿忘小心畏忌率于憲章嗟爾
父老教之孝悌孰無父母與其同氣反于爾心孰無愛
敬卽是而推烏往不順嗟爾父老勿替諄諄其未率從
警厲其身告以禍患其使知懼無俾蹉跌以陷罪罟惟

國之法。煌煌其垂。使爾知避。豈欲爾施。爾或自陷。予疚予恫。曷使予懷。寘于爾衷。於赫聖主。敷德流澤。布宣弗厯。時子之責。咨爾父老。助予念茲。豈子之助。報國是宜。粵以今日。勸相于郊。乃作此詩。以懋爾勞。咨爾父老。尙演厥義。其諷其歌。于鄉于里。俾一其心。服我訓言。擊鼓坎坎。自古有年。

七律

讀李邕碑

荒榛日莫。椅筇時歎。息危亭北海。碑後輩但知尊。字畫

歷代大儒詩鈔

卷五

張子南軒

三

采蘭堂

當年不得戍邊垂。豈關貝錦能成禍。祇恐干將不自奇。杜老惜才千古意。如今誰詠六公辭。

登法華臺

山間景物轉流年。臺上風光處處傳。放目便應雲夢小。憑欄平挹祝融巔。忽尋故國占天際。誰看孤舟繫岸邊。百感還將山下去。肯同槁木墮深禪。

謝楊文昭主簿寄詩楊之父紹興閒倅建康不
屈於兀术而死

迺翁冒賊氣如虹。千載衣冠起悞庸。雙廟已應同卞壺。

佳兒今喜見。甄逢傳郵贈我凌雲句。斷簡知君學古胸。
忠孝可全須力勉。策勲寧復羨侯封。揚公血食金陵政
與卞將軍祠相望

喜廣仲伯逢來會

二阮向來俱莫逆。支筇爲我到山巔。濁醪共飲聊復爾。
勝集于今亦偶然。人立千峯秋色裏。月生滄海暮雲邊。
高談北地曾知幾。一笑歸來對榻眠。

次趙漕贈王昭州韻

煌煌金節按江城。驛路梅花正小春。聞說爭迎來滿道。
定將何術慰斯民。憩棠異日誇南國。懷橘歸時拜壽親。
歷代大儒詩鈔卷三五
張子南軒
采蘭堂
流澤會看均一路。要令治象復熙淳。

鹿鳴宴

從昔山川夸八桂。只今文物盛南州。秋風萬里攜書劍。
春日端門拜冕旒。聖世取才先實用。儒生報國豈身謀。
且看廷策三千字。爲寫平時映畝憂。

雨後同周允升登雪觀

一雨端能減百憂。肩輿徑上最高樓。山容淨洗無窮碧。
江水新添自在流。已覺春隨花片老。不應身似賈胡留。
煙簑風笠南山下。正好歸歎看麥秋。

襄州護漕使者張侯寄示所作快目亭記辭多
慷慨予讀而壯之且想斯亭觀覽之勝爲賦此
聞說君家快目亭。湓江直上起千尋。昔人事業規摹在。
故國山河草木深。世態從渠翻覆手。壯圖還我短長吟。
會須一展平戎策。始稱平生灑落襟。

送舜臣撫幹表兄赴部

疇昔相看意便傾。重逢更覺眼增明。半生漫仕壯心在。
五月長江去棹輕。龜壑久藏千乘寶。鵬風方快九霄程。
公朝兼用人門選。外氏傳家舊有聲。

歷代大儒詩鈔

卷五

張子南軒

七

采蘭堂

重九日與賓佐登龍山

曉風獵獵笛橫秋。澤國名山九日游。萬里煙雲歸老眼。
千年形勢接中州。邱原到處堪懷古。黃菊隨時豈解愁。
此日此心誰共領。朝宗江漢自東流。

和石通判酌白鶴泉

此下補鈔七律

談天終日口瀾翻。來乞清甘醒舌根。滿座松聲間金石。
微瀾鶴影漾瑤琨。沒中知味誰三嘯。妙處相期豈一樽。
有本自應來不竭。濫觴端可驗龍門。

憩清風峽

扶疎古木矗危梯。開始知經幾撮提。還有石橋容客坐。
仰看蘭若與雲齊。風生陰壑方鳴籟。日烈塵寰正望霓。
從此上山君努力。瘦藤今日得同攜。

遊道場山次沈國錄韻

玻瓈盆外起千巒。路入空濛紫翠閒。心遠最便天宇迴。
眼明偏見野雲閒。寒泉宰木畱千載。清磬疎鐘度兩山。
我亦湘城三徑在。湖邊歸去洗塵顏。

早秋湖亭

澤國今年秋氣蚤。湖亭清晚獨徘徊。翩翩荷蓋隨風舞。

歷代大儒詩鈔

卷三五

張子南軒

五

采蘭堂

簫瑟松聲帶雨來。靜處豈云身計得。吟邊但覺歲華催。
悠悠遠思憑誰寫。多病新來罷酒杯。

送胡伯逢之官金陵

相望數舍已云疎。遠別何因執子祛。漫仕想應同捧檄。
舊聞當不廢觀書。月明淮水空陳迹。山繞新亭有故墟。
暇日更須頻訪古。因來爲我道何如。

寄題建安公梅山堂

梅公山色近庭除。勝日供公几杖餘。千古謾傳棲迹地。
當年誰憶愛君書。丹心炯炯元無間。白髮星星不用鉏。

待得斯民俱奠枕。歸來端亦愛吾廬。

重九陪詳刑護漕東西樓之集

獵獵西風滿角巾。登臨秋思與雲平。山圍四野高低碧。
江遶東城今古清。莫恨寒花未堪摘。且欣樽酒得同傾。
政須客裏頻回首。細話家山此日情。

九日登千山觀

清晨領客上巉巖。野路衣襟溼翠嵐。九日開樽仍絕景。
西風歛帽且高談。地形盤薄一都會。山色周遭萬玉簪。
卻指飛鴻煙漠漠。故園茱菊老江潭。

歷代大儒詩鈔

卷五

張子高軒

三五

采蘭堂

仲冬朔日登湘南樓復用正父前韻

歷遍江南處處山。嶠南還得倚樓看。化工此地無餘巧。
爽氣窮冬更逼欄。官事隨時寧解了。書盟平日未應寒。
相逢自有論文樂。只把空杯未礙歡。

送韓宜州

頃年未識宜州面。已信諸賢品藻公。幕下從容逢益友。
胸中骯髒本家風。一麾且與寬彫瘵。華髮應無慕勇功。
從古安邊須自治。人情初不問華戎。

送宇文正甫

重來能復幾刀餘。臨水登山又送渠。夜雨已知農事好。
春寒未放小桃舒。眼前佳處應難盡。別後書來詎可疎。
我亦相將歸舊隱。杖藜時復訪樓居。

題邢使君釣隱

使君卜築占芳洲。短檻疎籬處處幽。風月隨時供燕几。
笑談終日在中流。翩翩影落來賓廡。漠漠寒生欲下鷗。
城市山林俱寓目。問君底處足消憂。

和查仲文雪中卽席所賦

方帽衝泥有客來。九衢俗眼莫驚猜。一樽相對十年外。

歷代大儒詩鈔

卷三五

張子南軒

早

采蘭堂

兩腳新從萬里回。壯志未隨衰鬢改。孤懷良爲故人開。
雪中細放梅花發。不用忽忽羯鼓催。

和宇文正甫探梅

天與孤清迥莫鄰。祇應空谷伴幽人。千林掃迹愁無那。
一點橫梢眼便親。顧影莫驚身易老。哦詩尙覺句能新。
幾多生意冰霜裏。說與天桃自在春。

小園茶蘼盛開伯承以詩見督置酒于此爲增

不敏之歎

畱連紅紫計無從。晚惜芬芳萬卉空。枕上幾回清夢斷。

風前政可碧紗籠。春隨夜雨但三歎。韻入香醪尚一中。
長有花開消息在。不應鳴鼓便相攻。

再和

閉門謝客少過從。獨倚脩篁傲碧空。忽喜千條發瓊蘂。
紛如萬鶴出樊籠。與君前日徘徊久。得句懸知慘淡中。
胸次本無愁可著。何爲苦要酒兵攻。

夜讀韋編起欲從。門前流水落花空。春同心事應長在。
月當燈光不用籠。弔古誰能嗟澤畔。高吟且欲効隆中。
君詩似玉無瑕玷。豈有它山石可攻。

歷代大儒詩鈔

卷十五

張子南軒

望

采蘭堂

市朝車馬列雲從。君自危樓出半空。但覺乾坤增老眼。
不妨日月轉空籠。花開花落關何事。江北江南只此中。
互出新詩殊未艾。長城尙許短兵攻。

五律

送少隱兄赴興元幕

出手寧嫌晚。論心本不欺。五年江左客。萬里故園思。肯
枉洞庭棹。來尋棠棣詩。固知名義重。豈但慰朝飢。

邊塞連關隴。貔貅罷戰征。幕中須預計。堂上乃奇兵。漢

水追前策。秦原憶舊耕。書生亦多事。慷慨試經行。

送臨武雷令

詔舉循良吏。時資撫字功。人情平易看。治道古今同。綠野新耕盛。潢池舊習空。便應君課最。名姓御屏中。去路連崇嶺。扁舟上漲濤。不違將母願。敢嘆獨賢勞。境靜歸鳧。鴈庭空。長艾蒿。不妨頻挂頰。千里寄風騷。

上封有懷元晦

憶共朱夫子。登臨冰雪中。劇談無俗調。得句有新功。別去鴈橫浦。重來月滿空。遙憐今夕意。清夢儻相同。

歷代大儒詩鈔

卷五

張子南軒

望

采蘭堂

題福巖

擲鉢峯前寺。肩輿幾度來。樓臺還舊觀。杉檜撫新栽。湘水堂。去秋山面開。襄徇千古思。風壑有餘哀。

題南臺

相望幾蘭若。勝處是南臺。閣迴規摹穩。門空晝夜開。回風時浩蕩。高嶺更崔嵬。謾說石頭滑。支筇得往來。寺多門不可置屏寺之側有石頭庵

由西嶺行後洞山路

西嶺更西路。雲嵐最窈深。水流千澗底。樹合四時陰。幽

絕無僧住間。來有客吟山。行三十里鐘磬忽聞音。

過高臺寺

着屋懸崖畔。開窗疊嶂秋。半欹雲樹冷。不斷石泉流。茗
椀味能永。竹風聲更幽。平生版庵老。得句似湯休。寺之
前有
雲莊榭。舊車轍。亭侍郎公以其妄謬。易今名。記
刻不存。必惡其害已者所去也。長老了信有詩名。

宿方廣寺

俗塵元迴隔。景物自天成。山近四圍碧。泉鳴永夜清。月
華侵戶冷。秋氣與雲橫。曉起尋歸路。題詩寄此情。

人日遊城東晚飯陳仲思茅亭分韻得香字

歷代大儒詩鈔

卷五

張子南軒

四三

采蘭堂

絕憐梅事晚。與客到林塘。瓦椀村醪。醞杯羹野菜。香舊
遊看壁字。新歲尙他鄉。一笑俱真率。悠然意未央。

謝胡掾惠詩

一見知心事。旋觀慰月評。慈祥漢循吏。儒雅魯諸生。莫
作周南嘆。終期冀北程。新詩連夜讀。梅影伴孤清。

二月二十五日登裴臺坐上口占

朝來風雨好。抱病亦登臨。故國江山在。荒城花柳深。憂
時空百慮。望遠只微吟。春事如櫻筍。幽盟可重尋。

寄侯彥周

寒鴈仍南去。慙慙問耒陽。催科應獨拙。理髮詎能長。邑古弦歌地。年豐魚稻鄉。娑娑還得不。三徑未云荒。

過長橋

西風吹短髮。復此渡長橋。木落波空濶。亭孤影動搖。徘徊念今昔。領畧到漁樵。儻有山中隱。憑誰爲一招。

金山

萬頃洪濤裏。巍然閱古今。雲煙三島接。花木四時深。亂石維舟住。西風倚檻吟。朝宗知不斷。淒切此時心。

重陽前一日

歷代大儒詩鈔

卷五

張子南軒

器

采蘭堂

九日明朝是。清樽強自開。蕭蕭疎雨暗。滾滾大江來。野菊閒無數。沙鷗靜不猜。何須騎臺飲。此興亦悠哉。

庚申過青草湖

已越重湖險。張帆勝順流。亂雲藏野寺。橫網鬧漁舟。物色湖南好。風霜歲晚謀。未知荒歉後。得似向來不。

和德美韓吏部筭詩

籜龍春雨後。得勢類乘軒。驟長寧嫌速。駢生詎厭煩。錯連非異族。蒼老見元孫。色並蒲葵扇。香侵老瓦盆。靜依花影轉。新帶蘇文昏。外美看彪炳。中虛驗晏温。出欄俄

競秀侵徑。况孤鸞。穎脫雖囊見。森嚴武庫存。風回飄粉霧。龜折露坤垠。生理知無息。神功本不言。牙籌誰數個。玉斧莫傷根。錯立環兵衛。周羅儼翰藩。危岑遙寸露。巨浪忽驚奔。勁節回青眼。齊觀壯小園。巖凝難奪志。霖合知恩蛟。鱗蟠深宅。牛羊隱半垣。委蛇隨戶牖。撐拄動荃蓀。愛惜滋千畝。高低辨兩番。藐真應莫稱。著譜欲重論。豈止同苞茂。真成後嗣繁。兒童防戲折。口腹謝空飧。深夜共椽燭。清朝列戟門。於菟真筆礎。季子屢髯掀。北海雖頻設。南山可盡髡。深培資後賞。獨倚莫消魂。看取

歷代大儒詩鈔

卷五

張子南軒

五

采蘭堂

炎歊候清陰。蔭午暍。

喜聞定叟弟歸

吾弟三年別。歸舟半月程。瘦肥應似舊。歡喜定如兄。秋日聯鴻影。涼窗聽雨聲。人間團聚樂。身外總云輕。

聞定叟弟已近適。迫祀事未能出。先遣姪輩往

迎書此問訊

漸喜書題近。懸知歸意忙。才聞下湘水。早已過衡陽。雨洗秋山近。涼生桂樹香。慙慙二三子。策馬爲迎將。

送零陵賈使君二首

今鈔一

籍甚零陵郡。風流記昔賢。宅存元水部。人識范忠宣。山
近地宜竹。溪清岸有泉。官閒時訪古。餘韻故依然。

游誠之相從幾年。今赴官九江。兩詩餞行。

游子名家後。天資更敏強。壯懷知自許。遠業定難量。幕
府文書簡。葦編趣味長。居然成濶別。音寄莫相望。

送李新州

歷代大儒詩鈔

卷三五

張子南軒

吳

采蘭堂

清絕湘南地。鄉閭見老成。蔽棠方有望。折柳卻關情。側
聽輿人誦。還新月旦評。相望幸鄰壤。猶得借餘明。

堯廟

明祀崇千載。荒山拱萬靈。插天巉絕壁。飛瀑下空庭。繪
事存淳古。真風寄杳冥。蘋蘩何以薦。帝德日維馨。

和定叟送行韻

舊別情何限。重逢意豁然。相看疑似夢。款語不成眠。但
欲燈窗共。其如事役牽。固應回首處。祇在集雲前。

追餞馬憲

膚使行原隰。清風伴往還。詩情渾漫興。雪意正相關。許國心何壯。憂民鬢易斑。留連三日語。邂逅十年閒。

除夕登仲宣樓

懷土昔人志。傷時此日心。長江霜潦淨。故國莫煙深。訪古多遺恨。憑欄更獨吟。細看前浦樹。生意已堪尋。

遊章華臺

楚國舊雄勝。荒臺今是非。平川留宿潦。蕭寺掩斜暉。木落秋聲急。天高鴈影微。淒涼無處問。騎馬踏堤歸。

寄趙漕

歷代大儒詩鈔

卷五

張子南軒

四七

采蘭堂

想得昭潭上。兒童夾道迎。皇華今日使。竹馬舊時情。梅蘂冬前折。山光雨後清。使君桃李客。當爲駐車旌。

用元晦定王臺韻

珍重南山路。驅羸幾度來。未登喬嶽頂。空說妙高臺。曉霧層層斂。奇峯面面開。山中一作問元自樂。澤畔不須哀。

和張晉彥遊嶽麓

此下補鈔五律

齋舫凌煙浦。雲屏入畫圖。日烘花炫晝。風定水明湖。布穀催春種。提壺勸客沽。湘中無限景。賦詠繼三都。

喜雨呈安國

望歲民心切。為霖帝力均。崇朝變炎暑。舉目盡清新。坎
坎連村鼓。熙熙萬室春。北窗涼枕簟。安穩到閒人。

十二月十六日夜枕上聞雷已而大雪

春信梅邊動。雷聲枕上驚。忽看窗紙白。頓覺竹聲清。江
海空餘夢。壺觴起自傾。朝來倚樓處。玉樹滿湘城。

過湘潭劉信叔舊居有感

北渚畱行客。東陵憶舊侯。池蓮半枯折。風葉正颼颼。事
業畱千載。英雄去一邱。平生許國志。歲晚詎悠悠。

歷代大儒詩鈔

卷五

張子南軒

吳

采蘭堂

題唐興寺湘江亭

寺廢蒼厓聳。江回遠岸明。風霜摧翰墨。有唐大中記及詩刻兵火後沉

于潭歲月老絲緡。寺右有鈞磯兀坐知茶味。閑行忘去程。長

哦伊水句。回首若為情。鄭都官嘗題詩云湘水似伊水湘人非故人

彪德美來會于泉有詩因次韻

君臥衡山北。我行湘水濱。相逢還莫逆。清絕兩無塵。勝
集追前日。輕陰近小春。濯纓聊復爾。舉首謝簪紳。

和黃漕雪中將至長沙

吾道元如砥。人間謾畏途。未容舟沂峽。且泛雪平湖。子

孝寧投杼。天回看脫弧。不應從我懶。欲老豆麻區。

二月十日野步城南晚。與吳伯承諸友飲裴臺。

分韻得江字

春日煙沙岸。禪房風竹窗。有時傾綠酒。隨處見清江。世路紛多轍。吾生老此邦。千林看不盡。白鳥去雙雙。

與弟姪飲梅花下分韻得香字

日夕色逾正。春和天與香。提攜一樽酒。問訊滿園芳。嗣歲詩多思。懷人心甚長。更須多秉燭。玉立勝紅粧。

十四日陪黃仲秉渡湘飲嶽麓臺上分韻得長

歷代大儒詩鈔

卷五

張子南軒

四

采蘭堂

字

支筇穿百級。把酒問春光。喬木依然在。幽蘭祇自芳。未當湘水滿。更覺橘洲長。暝色猶回首。天涯話故鄉。

王長沙約飲縣圃梅花下分韻得梅字

平生佳絕處。心事付江梅。縣圃經年見。芳樽薄暮開。朗吟空激烈。燒燭且徘徊。未逐徵書去。窮冬尚一來。

湯總管邢監廟約遊城東酒間求詩爲賦此

春事已如許。客愁空自多。梅花成莫逆。樽酒付亡何。楚楚邢郎子。耽耽老伏波。定應容我醉。耳熱更高歌。

除夜立春

積雪陰難解。新梅凍未開。誰知殘臘底。已報早春來。一
氣元無息。羣兒浪自猜。短檠非守歲。百感政交懷。

送趙節卿

昭代才難歎。宗盟世有人。千鈞定晚試。一角信逢真。政
擬尋梅共。還經折柳新。青雲看穩上。回首楚江春。

上巳日晚登裴臺自仲春凡三登

前日看花地。重來對落暉。雨餘山著色。沙沒水初肥。寒
食家家出。殘紅樹樹飛。還同二三子。及此詠而歸。

歷代大儒詩鈔

卷五

張子南軒

辛

采蘭堂

和黃仲秉喜雨

雨涼窗戶好。佳木正陰陰。猷畝憂時念。乾坤濟物心。引
泉聊自照。移竹更親臨。尙想皇華使。風前擁鼻吟。

多景樓

疇昔南徐地。登臨北固樓。平原迷故國。滄海接江流。木
落煙莎晚。城孤鼓角秋。寄言鷗鷺侶。吾已具扁舟。

十五日過小孤山

沃野迴千里。巋然突孤標。崖分勢亦裂。江靜影頻搖。栖
鷗巢何險。盤柯凍不彫。吾行足觀覽。未覺客程遙。

新亭

風景自今古。斯亭今是非。絕。憐江水去。還有故山圍。得
失同千慮。成虧共一機。所思惟謝傅。不但勝淮淝。

醇叟崇道之喪未得往哭聞窀穸有期輒賦二
章以相挽者

慶席親賢。胄心知道義尊。如何著閒處。終不近修門。三
載成長別。微言未細論。人琴俱寂寞。風雨閉邱園。
晚歲渾無事。端居只自如。冰霜澆塊磊。日月老籬籬。山
寺留題墨。晴窗罷卷書。從今行嶽路。忍復過公廬。

歷代大儒詩鈔

卷五

張子南軒

至

采蘭堂

故太子詹事王公挽詩二首

大節元無玷。中心本不欺。排姦力扛鼎。憂國鬢成絲。方
喜三旌召。俄興一鑑悲。西風吹淚眼。夫豈哭吾私。
睿主龍飛日。如公舊學臣。忠言關國計。清節映廷紳。歲
月身多外。江湖澤在民。當年遺直歎。千古更如新。

詩送陳仲思參佐廣右幕府

舊說桂林好。君今幕府遊。江山資暇日。梅雪類吾州。賚
海何多說。安邊更預謀。政應勤姪畫。不用賦離憂。

寄題周功父溪園三詠

聞說亭花好。居然似蜀鄉。色深姿不俗。香淡意能長。高
燭留深夜。輕陰護晚芳。何心較桃李。只擬荅春光。嫣然亭

未識主人面。先爲溪上吟。澄潭依近岸。絕壁聳遙林。領
略襟期遠。登臨歲律深。想當軒冕外。三嘆有餘音。溪亭

溪園平廣處。雅稱雪中游。疎密看千變。高低共一邱。寒
知松節勁。靜覺竹聲幽。還有故人否。當能著小舟。雪亭

中秋與僚佐登江陵郡城觀月

涼意今年早。蟾光七澤多。憑欄共懷古。擁袂獨高歌。風
物關山遠。功名歲月過。一樽聊復爾。於此興如何。

歷代大儒詩鈔

卷五

張子南軒

五

采蘭堂

次陳擇之遊湖韻

落日遊魚上。青林白鳥過。稻香來隔岸。巖影占清波。招
隱何年賦。尋幽此地多。晚涼容縱棹。聽我采菱歌。

送祖七姪西歸二首

萬里逢猶子。中年憶故鄉。只知情話好。豈覺去途長。巫
峽波濤壯。秦山檜柏蒼。何能從汝往。佇立看歸艎。
故國非喬木。名家重典刑。飄零念吾黨。寂寞撫遺經。菽
水知何病。芝蘭要滿庭。汝歸應記取。爲我話丁寧。

中春過陽亭

亭古危臨岸。林幽巧近城。煙容隨雨住。花片著溪春。
事已如許。客懷誰與。傾亭前雨好。樹滿意欲敷榮。

戶曹廬陵胡君引年求謝事。予視其精力未衰。
留之踰半載。乃今告去。不復可挽。爲詩送別。澹
庵君之叔父也。

出守嗟何晚。懷歸已倦游。細看渾鬢鑠。可是畏伊優。暮
下傾三語。山中賦四愁。平生大小阮。來往足風流。

題益陽清修寺

歷代大儒詩鈔

卷五

張子南軒

五

采蘭堂

峯勢香爐直。溪流峽水潺。居然一蘭若。喚作小廬山。老
木千崖表。孤亭萬竹間。明朝問征路。回首白雲閒。

故觀文建安劉公挽詩四首

憶昨登廊廟。忠言達帝聰。所思惟盡瘁。敢復計成功。半
世江湖上。千憂寤寐中。汗青誰秉筆。請考衆言公。
國恥臣當死。公家三世心。忍看垂絕筆。誰續斷絃音。精
爽今如在。衣冠恨更深。卻嗟蝓與志。處世漫侵尋。
平日多奇節。中間似富公。天從廬墓請。人說採荒功。辛
苦培邦本。雍容過亂鋒。文傳遺奏切。更過子囊忠。

曾是南荆地。他年竹馬迎。旌旂嚴騎士。弧矢盛民兵。細考規摹舊。還知節制明。思公如峴首。同我淚縱橫。

某以四十字送詳刑使君

拙守荆江上。無人共往還。能來慰牢落。話舊幾閒關。冬壑龍蛇蟄。風林虎豹斑。相期涵養力。直到古人間。

劉勝因自襄陽過子渚宮於其歸小詩贈別

骯髒寧多闕。棲遲久倦游。折肱諳世味。袖手惜良籌。日月隆中闕。風煙峴首愁。登臨應慷慨。還解寄詩不。

送曾裘父

歷代大儒詩鈔

卷五

張子南軒

五

采蘭堂

交舊間何闊。能來淡日留。還尋佳橘頌。惜別仲宣樓。探古書盈屋。憂時雪滿頭。絕思黃閣老。招隱意綢繆。

樞密劉公

嘗欲以遺逸舉裘父

和元晦擇之有詩見懷

作別又如許。何當置我旁。卷舒書在手。展轉月侵牀。合志師千載。相思謾一方。臨風三嘆息。此意渺難量。

絕句

自上封下福巖道旁訪李鄴侯書堂山路榛合不可往矣

石壁巉巖路已荒。人言相國舊書堂。臨機自古多遺恨。妙策當年取范陽。

謝邢少速送葡萄豆蔻栽

君家小圃占春光。眼看龍鬚百尺長。移向樓邊並寒井。明年垂實更陰涼。

畱取園中數畝餘。擬栽靈藥謝紛華。兒童今日知翁喜。移得君家豆蔻花。

晚過吳伯承畱飲

推門野路竹毵毵。落日天寒相對談。可是主人風韻別。

歷代大儒詩鈔卷十五

張子南軒

五

采蘭堂

自斟白酒擘黃柑。

某敬采民言成六韻爲安撫閣老尙書壽伏幸

過目 今鈔二

里胥不踏桑麻路。桴鼓長閒花柳村。都在邦君和氣裏。賣刀買犢長兒孫。

湘民清曉壽邦君。下客慚無句語新。敢述老農歌誦意。

一觴持上太夫人。

筠州曾使君寄贖中州新芽賦此以謝

黃蘗山前水遶沙。春風吹石長靈芽。午窗落磴飛瓊屑。

烏桕翻湯湧雪花。

登樓

風雨經旬只閉門。朝來倚檻已春深。不知花片飛多少。但覺江城滿綠陰。

題城南書院三十四詠

今鈔四

移得幽蘭幾本來。竹籬深處手栽培。芬芳不必紉爲佩。月白風清取次開。

秋後冬前一月晴。小園佳處日經行。半山木落樓臺露。幾樹霜餘橘柚明。

歷代大儒詩鈔

卷三五

張子南軒

至 采蘭堂

莫道閒中一事無。閒中事業有工夫。閉門清晝讀書罷。掃地焚香到日晡。

人來人去空千古。花落花開任四時。白鶴泉頭茶味永。山僧元自不曾知。

謝侯彥明惠白蓮栽

青鞋不踏遠公社。偶共濂溪嗜好同。少待薰風開玉鏡。與君來賦月明中。

周濂溪有愛蓮說

和陳擇之春日

花落花開總可憐。嶠南亦復好風煙。雨餘起我故園夢。

漠漠浮鷗水拍天。

船齋

窗低蘆葦秋。便有江湖思。久已倦垂綸。游魚不須避。

麗澤

長哦伐木篇。佇立以望子。日暮飛鳥歸。門前長春水。

蒙軒

開軒僅尋丈。水竹亦蕭疎。客來須起敬。題榜了翁書。

西嶼

繫舟西岸邊。幅巾自來去。島嶼花木深。蟬鳴不知處。

歷代大儒詩鈔

卷三五

張子南軒

五

采蘭堂

欽定四庫全書載南軒集四十四卷提要云枻歿後弟杓真

其故稿四巨編屬朱子論定朱子又訪得四方學者

所傳數十篇益以平日往還書疏編次繕寫未及藏

事而已有刻其別本流傳者朱子以所刻之本多早

年未定之論而末年設經論事發明道要之語反多

佚遺乃取前所搜輯參互相校斷以枻晚歲之意定

爲四十四卷併詳述所以改編之故弁於書首卽今

所傳淳熙甲辰本也枻與朱子交最善集中與朱子

書凡七十有三首又有答問四篇其中論辨斷斷不

相假借如第二扎則致疑於辭受之間三扎辨墓祭

中元祭四扎辨太極圖說註五六七扎辨中庸註八

扎辨游酢祠堂十扎規朱子言語少和平十一扎論社倉之弊責以偏袒王安石十五扎辨胡氏所撰二程集不必追改戒以平心易氣二十二扎辨論仁之說有流弊四十四扎論山中諸詩語未和平四十九扎論易說未安是從來許多意思未能放下五十四扎規以信陰陽家言擇吉地與胡季隨五十五扎又論朱子所編各臣言行錄未精細朱子並錄之集中不以爲忤又拭學問淵源本出胡宏而與朱子第二十八扎謂胡寅讀史管見病敗不可言其中有好處亦無完篇胡安國春秋傳其間多有合商量處朱子亦並錄之集中不以爲嫌足見醇儒心術光明洞達

歷代大儒詩鈔

卷二五

張子南軒

卷二

采蘭堂

無一毫黨同伐異之私後人執門戶之見一字一句無不回護殊失朱子本意至朱子作杖父張浚墓志本據杖所作行狀故多溢美而編定杖集乃削去浚行狀不載亦足見不以朋友之私害是非之公矣論張浚者往往遺譏於朱子蓋未核是集也高斯得恥堂存稿有南軒永州諸詩跋曰劉禹錫編柳子厚集斷至永州以後少作不錄一篇南軒先生永州所題三亭陸山諸詩時方二十餘歲與寄已落落穆穆如此然集中則咸無焉豈編次者以揄集之法裁之乎然則杖集外詩文皆朱子刪其少作非偶佚矣此四庫著錄考論者也際岐謹案今所獲本仍四十四卷

自詞賦詩表啟記序史論說書答問題跋銘箴贊墓誌銘祝文祭文均備而所與朱子之書七十七篇皆載焉乃康熙丁丑古燕張純修所輯首載其序而校諸院藏淳熙甲辰本無不合者此外

四庫尚載其著作有南軒易說三卷癸巳論語解十卷
癸巳孟子說七卷云

江南

揚州府梅花書院孝廉堂

受業諸子重校

歷代大儒詩鈔

卷三五

張子南軒

五

采蘭堂

歷代大儒詩鈔卷二十五

